



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Komisija za ljudska prava i slobode

Broj: 04-GV-02-1009-4/21

Datum: 14.09.2021. godine

Komisija za ljudska prava i slobode Gradskog vijeća Grada Sarajeva, na svojoj Šestoj sjednici održanoj 14.09.2021. godine, u funkciji pripreme Šeste sjednice Gradskog vijeća Grada Sarajeva, razmatrala je:

3. Tekuća pitanja

i podnosi Gradskom vijeću Grada Sarajeva sljedeći:

IZVJEŠTAJ

TAČKA 21.

Vijećnička pitanja i inicijative

Na prijedlog predsjedavajućeg, Komisija za ljudska prava i slobode je jednoglasno usvojila sljedeći **zaključak**:

Komisija za ljudska prava i slobode upućuje inicijativu Gradskom vijeću Grada Sarajeva da se Obrazac (koji je u prilogu ovog akta), putem koga će građani, udruženja i druge organizacije i zajednice upućivati predstavke Komisiji za ljudska prava i slobode Gradskog vijeća Grada Sarajeva, postavi na službenu stranicu Grada Sarajeva.

*PREDSJEDAVALAČI
KOMISIJE ZA LJUDSKA PRAVA I SLOBODE*

Srđan Srdić, s.r.



IME I PREZIME _____
NAZIV PRAVNOG SUBJEKTA _____
ADRESA _____
BROJ TELEFONA _____

GRAD SARAJEVO
GRADSKO VIJEĆE
KOMISIJA ZA LJUDSKA PRAVA I SLOBODE

PREDSTAVKA

UZ PREDSTAVKU PRILAŽEM SLJEDEĆU DOKUMENTACIJU:

SARAJEVO, _____ GODINE

PODNOŠILAC ZAHTJEVA



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odbor za lokalni biznis i turizam

Broj: 04-GV-04-1011-4/21
Sarajevo, 14.09.2021. godine

Odbor za lokalni biznis i turizam Gradskog vijeća Grada Sarajeva, na nastavku Četvrte sjednice održane 16.09.2021. godine, u funkciji pripreme za Šestu sjednicu Gradskog vijeće Grada Sarajeva, razmatrao je:

4. Tekuća pitanja

i podnosi Gradskom vijeću Grada Sarajeva vijeća sljedeći:

IZVJEŠTAJ

TAČKA 21.

Vijećnička pitanja i inicijative

Odbor za lokalni biznis i turizam upućuje Gradskom vijeću Grada Sarajeva na razmatranje **inicijativu** koju je jednoglasno usvojio a koja je sljedećeg sadržaja:

Predlaže se Gradonačelnici da razmotri mogućnost i osmisli rješenje tako da se na službenim skupovima u organizaciji Grada Sarajeva (sjednicama Gradskog vijeća, radnih tijela, te drugim službenim sastancima) poslužuje voda, ali i drugi proizvodi koji se nabavljaju od lokalnih dobavljača.

Odbor za lokalni biznis i turizam traži da se Gradsko vijeće izjasni o podnesenoj inicijativi kako bi ona postala inicijativom Gradskog vijeća Grada Sarajeva.

PREDSJEDAVAJUĆI ODBORA

Faris Šehović, s.r.





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odbor za informatiku i telematiku

Broj: 04-GV-02-1030-4/21

Datum, 16.09.2021. godine

Odbor za informatiku i telematiku Gradskog vijeća Grada Sarajeva, na svojoj Četvrtoj sjednici održanoj 16.09.2021. godine, u funkciji pripreme Šeste sjednice Gradskog vijeća Grada Sarajeva, razmatrao je:

4. Tekuća pitanja

i podnosi Gradskom vijeću Grada Sarajeva sljedeći:

IZVJEŠTAJ

TAČKA 21.

Vijećnička pitanja i inicijative

Odbor za informatiku i telematiku je razmotrio inicijativu gradskog vijećnika Adi Škaljića upućenu gradonačelnici Grada Sarajeva i ovom Odboru, te je poslije rasprave, na prijedlog predsjedavajuće, Odbor za informatiku i telematiku jednoglasno usvojio sljedeći **zaključak**:

Odbor za informatiku i telematiku upućuje Gradskom vijeću dopunu podnesene inicijative za uspostavljanje besplatnog pristupa internetu za građane i posjetioce najfrekventnijih javnih turističkih mikrolokaliteta u gradu Sarajevu, sa prijedlogom da se uspostavi komunikacija sa Turističkom zajednicom Kantona Sarajevo s ciljem da se i Turistička zajednica pridruži realizaciji ovog projekta.

*PREDSJEDAVALA
ODBORA ZA INFORMATIKU I TELEMATIKU*

Maja Muftić Dedović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odbor za javne službe, infrastrukturu i javni saobraćaj

Broj: 04-GV-04-1032-5//21

Datum: 16.09.2021. godine

Odbor za javne službe, infrastrukturu i javni saobraćaj Gradskog vijeća Grada Sarajeva, na svojoj Četvrtoj sjednici održanoj 16.09.2021. godine, u funkciji pripreme Šeste sjednice Gradskog vijeća Grada Sarajeva, razmatrao je:

5. Tekuća pitanja

i podnosi Gradskom vijeću Grada Sarajeva sljedeći:

IZVJEŠTAJ

TAČKA 21.

Vijećnička pitanja i inicijative

Odbor za javne službe, infrastrukturu i javni saobraćaj Gradskog vijeća Grada Sarajeva podnosi Gradskom vijeću sljedeću inicijativu:

Da se u Plan rada Grada Sarajeva za 2022. godinu uvrsti razmatranje mogućnosti razrade projekta kojim će se tehnički riješiti potreba uštede pitke vode na javnim česmama i fontanama, kojim upravlja Grad Sarajevo.

PREDSJEDAVAJUĆI ODBORA

Ratko Orozović, s.r.





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

*Komisija za drugostepeno upravno rješavanje
Gradskog vijeća Grada Sarajeva*

Broj: 04-GV-02-1037-3/21

Datum: 17.09.2021. godine

Komisija za drugostepeno upravno rješavanje Gradskog vijeća Grada Sarajeva, na svojoj Drugoj sjednici održanoj 17.09.2021. godine, a u funkciji pripreme Šeste sjednice Gradskog vijeće Grada Sarajeva, razmatrala je:

3. Tekuća pitanja

i podnosi Gradskom vijeću Grada Sarajeva sljedeći:

IZVJEŠTAJ

TAČKA 21.

Vijećnička pitanja i inicijative

Na prijedlog predsjedavajućeg, Komisija za drugostepeno upravno rješavanje je jednoglasno usvojila sljedeći **zaključak**:

Komisija za drugostepeno upravno rješavanje upućuje inicijativu Gradskom vijeću da se izradi Registar propisa Grada Sarajeva i postavi na službenu stranicu Grada Sarajeva.

PREDSJEDAVAJUĆI KOMISIJE

Kenan Mamić, s.r.



PRIMLJENO: 21 SEP 2021			
Org. jed.	Broj	Prilog	Vrijednost
01-	GV-02-	1060/	21

GRAD SARAJEVO

GRADSKO VIJEĆE GRADA SARAJEVA

n/r Jasmin Ademović, predsjedavajući

Sarajevo, 21.09.2021. godine

Predmet: Vijećnička inicijativa sa prijedlogom Gradskom vijeću da postane inicijativom Gradskog vijeća

Na osnovu člana 148. stav 1. i stav 3. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20, 19/20) podnosim inicijativu za pokretanja Sedmice Olimpizma koja bi se održavala svake godine u periodu od 6. do 13. februara čija realizacija će se redovno podržati kroz Budžet Grada Grada Sarajeva.

Istovremeno podnosim prijedlog Gradskom vijeću Grada Sarajeva da navedenu inicijativu podrži na način da ista postane inicijativnom Gradskog vijeća Grada Sarajeva.

Obrazloženje:

Uzevši u obzir da Grad Sarajevo u svojoj bogatoj sportskoj i kulturnoj baštini obilježava dva značajna historijska datuma, XIV Zimske Olimpijske igre Sarajevo 1984 i EYOF Sarajevo i Istočno Sarajevo 2019, inicijativa Sedmice Olimpizma bi na sebi svojstven način pridonijela promociji Grada Sarajeva i njegovom olimpijskom naslijeđu.

U sklopu obilježavanja Sedmice Olimpizma, organizovao bi se bogat kulturno-sportski i edukativni sadržaj koji bi promovisao Olimpijsku baštinu Grada Sarajeva, uz posebnu notu edukacije i promocije Olimpijskih vrijednosti. Kao što Vam je poznato, Olimpijske vrijednosti - izvrsnost, poštovanje i prijateljstvo – čine sastavni dio svakog Olimpijskog događaja, a i na vrlo izvjestan način i kulturološku karakteristiku Grada Sarajeva. Bitno je spomenuti da su ovogodišnje Olimpijske igre Tokyo 2020 organizovane uz dodatnu Olimpijsku vrijednost zajedništva, što također karakteriše uspješno organizovan EYOF Sarajevo i Istočno Sarajevo 2019.

Događaji koji bi se organizovali u sklopu Sedmice Olimpizma bi bili otvoreni za širu populaciju, uzrasta od 7 do 77 godina.

Po uzoru na Evropsku sedmicu sporta, koja se obilježava diljem Evrope sa ciljem povećanja bavljenja fizičkom aktivnošću među širim masama, tako bi i Sedmica Olimpizma uz promociju dva značajna datuma imala za cilj da podstakne sjećanje, potencijal i energiju Olimpijskog duha Sarajeva.

Predlažem da partneri obilježavanja XIV Zimskih Olimpijskih igara Sarajevo 1984 u sklopu Sedmice Olimpizma budu Grad Sarajevo i Olimpijski komitet BiH, dok za obilježavanje EYOF Sarajevo i Istočno Sarajevo 2019 partneri budu gradovi Sarajevo i Istočno Sarajevo, kao i Olimpijski komitet BiH.

Gradski vijećnik:

Jasmin Ademović

Bosna i Hercegovina-Federacija Bosne i Hercegov.
Kanton Sarajevo - GRAD SARAJEVO
GRADSKO VIJEĆE

PRIMLJENO: 20. SEP 2021			
Org. jekt.	Broj	Prilozi	Vrijednost
01-GV-04	1047	27	

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO

Gradsko vijeće Grada Sarajeva

n/r predsjedavajući, Jasmin Ademović

uputiti: gradonačelnica Benjamina Karić i nadležna gradska služba

PREDMET: VIJEĆNIČKA INICIJATIVA

Poštovani_e,

Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative, upućujem vijećničku inicijativu da se kroz komunikaciju sa općinama, nakon njihovog obilaska terena, mapiraju postojeće nelegalne deponije otpada te da se nakon toga izradi mapa deponija na teritoriji grada Sarajeva i istu dostaviti nadležnoj gradskoj službi. Također uputiti zahtjev prema općinama za kvartalno slanje informacija da bi se u tim vremenskim intervalima procijenjivala uspješnost ove mjere.

Obrazloženje: Svjedoci smo formiranja velikog broja nelegalnih deponija otpada na različitim lokacijama, kako na perifernim tako i u centralnim dijelovima grada Sarajeva. Radi uspješnijeg uklanjanja deponija potrebno je mapirati sve deponije, što će značajno pomoći pri planiranju rada KJKP RAD. Činjenica je da je u proljeće 2021. god. KJKP RAD organizovao akciju uklanjanja nelegalnih deponija, ali je veliki broj istih ostao neuklonjen, između ostalog i zbog toga što nisu imali ažurirane podatke o postojanju i lokalitetima deponija.

Također upućujem inicijativu prema Interresornoj radnoj grupi za izradu Zakona o komunalnoj policiji Kantona Sarajevo.

U namjeri da već u početnoj fazi izrade Zakona doprinesemo s obzirom na svoja saznanja iz komunikacije sa građanima kao vijećnici grada Sarajeva iniciramo:

1. Da se posebnim članovima Zakona o komunalnoj policiji KS uredi oblast kontrole privrednih subjekata i drugih pravnih lica, koja, i prema pozitivnim zakonima imaju jasno određene obaveze u smislu kupovine posuda za otpad i druge obaveze.

Insistiramo da se u novom Zakonu jasno definira da će poseban fokus djelovanja ove policije biti prije svega u nadzoru nad privrednim subjektima koji često kršeći zakon uništavaju našu okolinu. Nadzor nad prekršajima koji neodgovorni građani zagađujući okolinu svakako je bitan i mora biti važan dio ovog zakona, ali ne smije se upasti u zamku da kažnjavamo građane, a da nam promaknu pravna lica koja su češći krivci za divlje deponije. Pozivamo vas da u tom smislu konsultujete opštinske službe zadužene za izdavanje upotrebnih dozvola za novoizgrađene objekte kolektivnog stanovanja ili pak one koje su zadužene za izdavanje odobrenja za rad privrednim objektima – sa upitom o stanju u oblasti ispunjavanja obaveza tih subjekata u vezi sa komunalnom higijenom.

2. S obzirom na činjenicu da redarske komunalne službe u kantonalnim javnim komunalnim preduzećima RAD i PARK postoje duže od 20 godina i cijeneći da sadrže iskusne radnike (njih skoro 50) iniciramo da u određenoj fazi izrade Zakona o komunalnoj policiji KS organizujete posebne konsultacije Interresorne radne grupe za izradu Zakona i zainteresovanih komunalnih redara iz spomenute dvije firme, kao specifičnu vrstu javne rasprave o nacrtu zakona. Također, smatramo da je logično da će buduću komunalnu policiju značajno ljudski kapacitirati upravo dosadašnji komunalni redari, te da se niti na kakav način neće ugroziti njihova radna mjesta ili bilo koje od dosad dostignutih radničkih prava.

Uvođenjem komunalne policije ne smiju se ni na koji način ugroziti radnici koji danas u KJKP RAD i KJKP Park rade kao redari, njih ukupno 48. Načelo zaštite radnika mora se čuvati i insistiramo da novi Zakon ponudi rješenje u kom će ovi radnici biti važan dio mehanizma borbe protiv zagađenja okoline, da njihova radna prava ne smiju biti ugrožena i da im se omoguće efikasniji mehanizmi borbe protiv zagađenja i uništavanja okoline.

Muamer Mekić

vijećnik Kluba SDP BiH

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO:		20. SEP 2021	
Opis posla	Broj	Broj	Vrijednost
01-0V-09	1048		21

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO

Gradsko vijeće Grada Sarajeva
n/r predsjedavajući, Jasmin Ademović
uputiti: gradonačelnica Benjamina Karić i nadležna gradska služba

PREDMET: VIJEĆNIČKA INICIJATIVA

Poštovani_e,

Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative, u ime Kluba vijećnika SDP BiH, upućujem vijećničku inicijativu Turističkoj zajednici Kantona Sarajevo i Vladi Kantona Sarajevo za snažniju i veću podršku KK Bosna.

Obrazloženje: Obzirom da je ove godine godišnjica osnivanja KK Bosna, kada ovaj klub proslavlja svoj 70. rođendan a obzirom koliko nas je ovaj klub učinio ponosnim i upisao nas u neku lijepu historiju kada je 1979. godine osvojio titulu prvaka Evrope, najmanje što možemo učiniti je pomoći mu da opet stane na svoje noge i zajedno sa našom talentiranom omladinom možda u nekoj budućnosti ponovi tu historiju. Ja vjerujem da ako se svi mi uključimo, svi nivoi vlasti svi jači privredni subjekti kao i građani koji pripadaju našoj dijaspori, da bi KK Bosna mogla nastaviti svoj put uspjeha, a time i dalje dostojno predstavljati Grad Sarajevo i Bosnu i Hercegovinu.

U savremenom društvu sve je značajnija međuzavisnost sporta i turizma. Sport i sportska takmičenja nemaju samo ulogu posmatranja, već postaju sadržaj turističkih aktivnosti koji sudionike pobuđuje na sudjelovanje. Time sportski sudionici, aktivni ili pasivni, postaju turisti, a sport postaje važan faktor boravka u nekoj zemlji. Prema tome, u modernom društvu stvara se novi trend u turističkoj potražnji, prema kojem sport i sportski sadržaji dobivaju sve veću i značajniju ulogu u turizmu. Na tim osnovama razvijena je posebna vrsta turizma koji se naziva sportski turizam. Sportski turizam prepoznat je kao poseban oblik turističke ponude koji doprinosi stvaranju nove kvalitetne i konkurentne pozicije na turističkom tržištu. Potrebno ga je uključiti u planove razvoja turizma nekog područja, posebno zbog znatnog uticaja na ublažavanje sezonskoga karaktera turizma, ali i unapređenja turističke ponude.

Stoga, pozivam Turističku zajednicu da podrži KK Bosnu kao jednog od naših najboljih ambasadora u Evropi i svijetu do sada a nadamo se i ubuduće.

Možda ovo bude početak jednog procesa koji će se kao vremeplov nekada vratiti. Ne sanjajmo odmah titule, možda je za početak dovoljno da svi poradimo na ona tri osnovna postulata: kultura, sport i obrazovanje. S njima će doći i drugarstvo, zajedništvo, entuzijazam, vizija i cilj.

Pa će nam se opet ostvariti san da u prepunoj Skenderiji, dvorani koja nosi ime po Mirzi Delibašiću, čujemo onu poznatu:

Bit će Bosna opet šampion!

Muamer Mekić

vijećnik Kluba SDP BiH



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO: 28 JUL 2021			
Org. jed.	Broj	Prilog	Vrijednost
	01-GV-02	-891/21	

Sarajevo, 28.07.2021.god.

Gradsko vijeće Grada Sarajeva

Predmet: Vijećnička inicijativa, *dostavlja se -*

Poštovani/e,

uz prethodne konsultacije sa šefovima klubova Gradskih vijećnika NiP-a i SDP-a iniciram da se u proceduru uputi izmjena naziva dijela ulice Radićeve (Općina Centar) od križanja sa ulicom Mis Irbina do križanja sa ulicom Maršala Tita i da se ista preimenuju u ulicu Jovana Divjaka.

Obrazloženje

Jovan Divjak rođen je 11. marta 1937. godine u Beogradu, gdje je završio 12. klasu Vojne akademije u Beogradu, kurs za komadanta bataljona, Komandno-štabnu akademiju i Ratnu školu. Kasnije je završio Štabnu školu francuske vojske.

Predavao je u Vojnoj školi u Sarajevu, a rat ga je zatekao na dužnosti oficira u štabu Teritorijalne odbrane BiH. **Postao je brigadni general Armije RBiH i pomoćnik načelnika Glavnog štaba Armije Republike Bosne i Hercegovine.**

Prvi je nosilac najvišeg francuskog ordena, Legije časti iz BiH.

Vidjevši da JNA naoružava srske paravojne formacije i civile, odlučio je da oružje iz Kiseljaka preda Teritorijalnoj odbrani BiH, kako ga JNA ne bi zloupotrijebila. Vojni sud JNA ga je 1991. osudio na devet mjeseci zatvora zbog izdavanja oružja TO BiH. Kaznu je izbjegao napustivši JNA, nakon čega se pridružio Armiji Republike Bosne i Hercegovine.

Divjak je bio jedan od osnivača i inicijator ideje o stvaranju današnjeg Udruženja "Obrazovanje gradi BiH" u koje je ugradio svoj životni rad i sebe. Filantropska ideja je vodilja ovog Udruženja na čijem čelu je Jovan Divjak bio punih 27 godina.

Nosilac je velikog broja priznanja za društveno – koristan i humanitarni rad a najvažnija su: **Šestoaprilska nagrada Grada Sarajeva**, Legija časti Republike Francuske, Orden Lafayette, Plaketa Međunarodnog komiteta lige humanista, Premio Takunda (Italija), Graditelj mira 2013 (Katalonski međunarodni institut za mir) itd.

Svoj doprinos je dao na brojnim međunarodnim konferencijama i seminarima, zalagao se za poštivanje dječjih i ljudskih prava kao i za kvalitetno i potpuno obrazovanje. Francuski i italijanski izdavači štampali su mu knjigu **Sarajevo, moja ljubav** koja govori o njegovom životnom putu i ratnim događajima u BiH, a autor je knjige **Očekujući istinu i pravdu.**¹

Nihad ~~BAK~~
Vijećnik Gradskog vijeća Grada Sarajeva

¹ preuzeto sa <https://balkans.aljazeera.net/news/balkan/2021/4/8/u-sarajevu-preminuo-jovan-divjak>

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO: 22 SEP 2021			
Org. jed.	Broj	Prilog	Vrijednost
01-GV-02		1067	/21

Gradsko vijeće Grada Sarajeva

n/r Jasmin Ademović, predsjedavajući

Incijativa

Bijela tabija

Na osnovu Poslovnika o radu Gradskog vijeća, član 148., kao gradski vijećnik Stranke demokratske akcije, pokrećem incijativu:

Podnosim incijativu da se u najkraćem roku objekat Bijele tabije otvori za pojedinačne i grupne posjete turista i posjetioca Grada Sarajeva.

Gradski vijećnik

Vedad Deljković

Sarajevo, 22.09.2021. godine.

PRIMLJENO: 22 SEP 2021			
Org. jed.	Broj	Prilog	Vrijednost
01	05-09	1068	21

Gradsko vijeće Grada Sarajeva

n/r Jasmin Ademović, predsjedavajući

Incijativa

Bijela tabija

Na osnovu Poslovnika o radu Gradskog vijeća, član 148., kao gradski vijećnik Stranke demokratske akcije, pokrećem inicijativu:

Podnosim inicijativu da Grad Sarajevo u Budžetu za narednu godinu izdvoji sredstva za realizaciju projekata u manjim lokalnim sredinama u Bosni i Hercegovini, s posebnim akcentom i posvećenosti u njegovanju kulture sjećanja i čuvanju spomena na bosanskohercegovačke heroje.

S tim u vezi podnosim inicijativu da se planiraju sredstva za pomoć pri izgradnji Muzeja 505-te viteške brigade u Bužimu u iznosu od 50.000, 00 KM

Gradski vijećnik

Vedad Deljković

Sarajevo, 22.09.2021. godine.

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO: 22 SEP 2021			
Org. jed.	Broj	Prilog	Vrijednost
01-GV-01	-	1069	/21

Gradsko vijeće Grada Sarajeva

n/r Jasmin Ademović, predsjedavajući

Pitanje

Molim da Gradonačelnica odgovori na pitanje koliko i sa koje stavke je podržana

Šetnja /Povorka održana u Sarajevu.

Gradski vijećnik

Vedad Deljković

Sarajevo, 22.09.2021. godine.

Gradsko vijeće Grada Sarajeva

n/r Jasmin Ademović, predsjedavajući

Pitanje

Bosna i Hercegovina - Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO: 22 SEP 2021			
Org. jed.	Broj	Prilog	Vrijednost
01	GV-02	-1070	/21

Molim da Gradonačelnica odgovori dokle su radovi na Vidikovcu, da li se odvijaju planiranom dinamikom u skladu sa potpisanim Ugovorima sa izvođačima, da li ima kašenja sa radovima i koji su razlozi ukoliko ima.

Gradski vijećnik

Vedad Deljković

Sarajevo, 22.09.2021. godine.

Gradsko vijeće Grada Sarajeva

n/r Jasmin Ademović, predsjedavajući

Pitanje

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO: 22 SEP 2021			
Org. jed.	Broj	Prilog	Vrijednost
01-GV	02	1071	21

Molim da Gradonačelnica odgovori dokle su radovi na Bistričkoj stanici, da li se odvijaju planiranom dinamikom u skladu sa potpisanim Ugovorima sa izvođačima, da li ima kašenja sa radovima i koji su razlozi ukoliko ima.

Gradski vijećnik

Vedad Deliković

Sarajevo, 22.09.2021. godine.

GRAD SARAJEVO

GRADSKO VIJEĆE GRADA SARAJEVA

n/r Jasmin Ademović, predsjedavajući

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO: 22 SEP 2021			
Org. jed.	Broj	Prilog	Vrijednost
01-05-02		1072/21	

Na osnovu člana 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20, 19/20) postavljam sljedeće vijećničko pitanje:

Tražim da mi se od strane nadležnih službi Gradske uprave Grada Sarajeva dostavi detaljna informacija o tome koliko kreditnih sredstava je do sada utrošeno i na koje projekte navedene u Odluci o odobravanju kreditnih sredstava, te koliko je neutrošenih kreditnih sredstva ostalo?

Gradski vijećnik:

Vedad Deljković

PRIMALO U PISMA		22 SEP 2021	
Org. št.	Broj	Područje	
01-GN-09-	1073	21	

GRAD SARAJEVO

GRADSKO VIJEĆE GRADA SARAJEVA

n/r Jasmin Ademović, predsjedavajući

Sarajevo, 22.09.2021. godine

Predmet: Vijećnička inicijativa sa prijedlogom Gradskom vijeću da postane inicijativom Gradskog vijeća

Na osnovu člana 148. stav 1. i stav 3. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20, 19/20) **podnosim inicijativu da Grad Sarajevo u saradnji sa Turističkom zajednicom Kantona Sarajevo i Vladom Kantona Sarajevo pruži sistemsku podršku radu i djelovanju SFK 2000 Sarajevo- ženski fudbalski klub.**

Istovremeno podnosim prijedlog Gradskom vijeću Grada Sarajeva da navedenu inicijativu podrži na način da ista postane inicijativnom Gradskog vijeća Grada Sarajeva.

Obrazloženje:

SFK 2000 Sarajevo je višestruki prvak države u ženskom nogometu i višestruki osvajač Kupa BiH. SFK 2000 djeluje kao baza iz koje se vrši svojevrsna selekcija i regrutacija reprezentativki Bosne i Hercegovine u ženskom nogometu i time je istinski reprezent naše države u međunarodnim takmičenjima u organizaciji UEFA.

Cijeneći navedeni značaj SFK 2000 Sarajevo kako za grad tako i za našu državu od značaja je da Grad Sarajevo zajedno sa Turističkom zajednicom Kantona Sarajevo i Vladom Kantona Sarajevo pruži sistemsku podršku radu i djelovanju SFK 2000 Sarajevo- ženski fudbalski klub kroz različite modalitete.

Gradski vijećnik:

Dragan Stevanović

Bosna i Hercegovina - Federacija Bosne i Hercegovina
Kanton Sarajevo - SARAJEVO

PRILJEPI:			
22 SEP 2021			
Org. jed.	Služ.	Priloga	Vrijednost
01-05-02		1078	29

GRAD SARAJEVO

GRADSKO VIJEĆE GRADA SARAJEVA

N/r Jasmin Ademović, predsjedavajući

Sarajevo, 07.09.2021. godine

Predmet: Vijećnička inicijativa sa prijedlogom Gradskom vijeću da postane inicijativom Gradskog vijeća

Na osnovu člana 148. stav 1. i stav 3. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20, 19/20) **podnosim inicijativu da se kroz Rebalans Budžeta Grada Sarajeva za 2021. godinu ili Budžet Grada Sarajeva za 2022. godinu podrži Projekat „Moja prva predstava“ Udruženja dramskih glumaca “Mundo Mondo”,** koji će omogućiti svim prvačicima s područja Grada Sarajeva gledanje teatarske predstave “Je li to samo san?/Priče iz Sarajevske žičare” te kratki kurs o ponašanju u pozorištu koji će biti upriličen prije izvođenja svake predstave. Nakon toga, u saradnji sa JP Sarajevo, djeca će moći obaviti grupnu vožnju žičarom čime će ovaj projekat biti upotpunjen.

Važnost podržavanje Projekta i njegov detaljan opis je sadržan u Projektom prijedlogu koji je sastavni dio ove inicijative.

Istovremeno podnosim prijedlog Gradskom vijeću Grada Sarajeva da navedenu inicijativu podrži na način da ista postane inicijativnom Gradskog vijeća Grada Sarajeva.

Gradska vijećnica:

Mirela Džehverović



Udruženje dramskih glumaca

MUNDO MONDO

Derebent 14, Sarajevo

ID broj: 4201991480005

Račun Intesa Sanpaolo Banka: 1541602005233118

PROJEKTNI PRIJEDLOG

„Moja prva predstava“

Sarajevo, august 2021.



Udruženje dramskih glumaca

MUNDO MONDO

Derebent 14, Sarajevo

ID broj: 4201991480005

Račun Intesa Sanpaolo Banka: 1541602005233118

1. **NAZIV PODNOSITELJA:** Udruženje dramskih glumaca "Mundo Mondo"
2. **CILJNA GRUPA:** djeca uzrasta 6 do 7 godina
3. **MJESTO PROVOĐENJA PROJEKTA:** Grad Sarajevo, JU Međunarodni centar za djecu i omladinu "Novo Sarajevo"
4. **TRAJANJE PROJEKTA:** 3 mjeseca
5. **BUDŽET:** 12.000,00 KM
6. **OPIS PROJEKTA**

6.1. UVOD

Ukupan broj posjetilaca pozorišta i koncerata filharmonije/broj stanovnika je 16,8 (prosječna vrijednost 2014. na prostoru Kantona Sarajevo), a unutar pozorišta, ako izuzmemo Pozorište mladih, postoji jedna nezainteresiranost prema direktno populaciji osnovnoškolskog uzrasta, što pravi jednu rupu u repertoarima koji su namijenjeni najviše za stariju publiku. Time postoji potreba za promociju i povećanje dostupnosti i kvalitete umjetnosti za ovu publiku.

Drugi problem je problem teatra u edukaciji, koji je jako neistražen pojam u našem obrazovanju. Da bismo uspješno došli do cilja razvoja publike, moramo i nakon radionica imati odnos s mladima. Pozorišni bonton na prvi pogled ovoj populaciji na prvu djeluje nepoznato, ali posjeta ovoj kulturnoj instituciji, zahtijeva posebne oblike ponašanja koje morate znati, i koji se u suštini od vas i očekuju, pa iako možda niste ni upoznati sa njima.

Ipak, ono što često može da pokvari cjelokupan doživljaj u pozorištu su nesavjesni pojedinci, koji kršenjem osnovnih pravila bontona u pozorištu, sprječavaju ostali dio publike da na pravi način uživa u predstavi.

Projekat "Moja prva predstava" omogućit će svim prvačićima s područja Grada Sarajeva gledanje teatarske predstave "Je li to samo san?/Priče iz Sarajevske žičare" te kratki kurs o ponašanju u pozorištu koji će biti upriličen prije izvođenja svake predstave. Nakon toga, u saradnji sa JP Sarajevo, djeca će moći obaviti grupnu vožnju žičarom čime će ovaj projekat biti upotpunjen.

6.2. DETALJNIJI OPIS

Grad Sarajevo zahvaljujući povoljnom geografskom položaju, izuzetnim prirodnim ljepotama,



bogatstvu kulturno-historijskim vrijednostima predstavlja vrlo zanimljivu turističku destinaciju i grad sa mnogim istaknutim objektima materijalne kulturne baštine.

Nezaobilazno mjesto koje svaki turista obavezno posjeti dolaskom u BiH je grad Sarajevo, grad nevjerojatne energije sa historijom koja ga je gradila kroz stoljeća.

Ne postoji nijedan strani turista koji će obići BiH, a da pritom ne dođe u Sarajevo tako da se u principu trećina ukupnog turističkog prometa BiH odvija upravo u Sarajevu, a više od polovine prometa Federacije BiH odvija se također u Sarajevu koje je najposjećenija destinacija u BiH, ali se i regionalno nametnulo kao vrlo atraktivna destinacija. Sarajevo ima puno stvari koje nema nijedan drugi grad u okruženju.

Ono što će posebno obogatiti turističku ponudu Sarajeva svakako je obnovljena Trebevička žičara koja je nakon 26 godina, 6. aprila, na Dan Grada Sarajeva zvanično puštena u rad. Žičarom putnici iz grada na Trebević stižu za nešto više od sedam minuta i nesumnjivo je da su Trebević i Žičara jedna od glavnih sarajevskih atrakcija.

Kroz projekat „Moja prva predstava“ izvođenjem predstave „Je li to samo san?/Priče iz Sarajevske žičare“ promovisat ćemo materijalnu kulturnu baštinu Sarajeva i dati na značaju Sarajevskoj žičari, Vijećnici, Šeher-Čehajinoj ćupriji i Baščaršiji kao važnim objektima materijalne kulturne baštine Grada Sarajeva. Predstava „Je li to samo san?/Priče iz Sarajevske žičare“ namijenjena je djeci uzrasta od 6 do 12 godina koja će nakon predstave imati informacije o žičari, njenom nastanku, obnovi i najzanimljivijim pričama koje ona krije. Također, priča ne zaobilazi ni ostale znamenitosti Sarajeva, a koje se mogu vidjeti tokom vožnje žičarom.

U okviru projekta, glumac Mario Drmać će kroz interaktivni razgovor, prije izvođenja svake predstave djecu uputiti o važnosti bontona u pozorištu. Ovaj segment projekta će poslužiti da se svi podsjetimo pravila lijepog ponašanja u pozorištu budući da mnoga djeca ovog uzrasta usljed pandemije koronavirusa nisu posjećivala pozorišta, ni kulturne institucije uopće, a mnogima od njih će ovo biti i prva posjeta pozorištu i prilika da stvore uspomene kojih će se sjećati cijelog života. Nakon odgledane predstave, uz pokazanu besplatnu ulaznicu, u saradnji s JP „Sarajevo“ djeci će biti omogućena besplatna vožnja Sarajevskom žičarom do Trebevića čime će ovaj projekat biti kompletiran.

Projektom je planirano izvođenje deset predstava za sve prvačiće s područja Grada Sarajeva, a projekat će se realizirati uz preporuke o provođenju higijensko-epidemioloških mjera preporučenih od Zavoda za javno zdravstvo Kantona Sarajevo.

7. CILJNA GRUPA

Djeca uzrasta od 6 do 7 godina sa područja Grada Sarajeva

8. CILJ PROJEKTA

1. Popularizacija i promocija materijalne kulturne baštine i znamenitosti Grada Sarajeva kroz teatarsku predstavu.
2. Popularizacija i promocija pozorišta kao mjesta susreta značajnog za odgoj i obrazovanje



Udruženje dramskih glumaca

MUNDO MONDO

Derebent 14, Sarajevo

ID broj: 4201991480005

Račun Intesa Sanpaolo Banka: 1541602005233118

djece i mladih

3. Podsjećanje i ukazivanje na važnost bontona u pozorištu

9. OČEKIVANI REZULTATI

Izvedeno deset predstava „Je li to samo san?/Priče iz Sarajevske žičare“ u režiji Maria Drmaća za prvaciće iz osnovnih škola s područja Grada Sarajeva. Kroz formu teatarske predstave promovisana je materijalna kulturna baština i znamenitosti grada Sarajeva. Popularizirano pozorište kao značajan segment u odgoju i obrazovanju djece i mladih. Djeci ukazano na važnost bontona u pozorištu.

10. AKTIVNOSTI

Prvi mjesec realizacije projekta

U toku prvog mjeseca realizacije projekta dizajnirat ćemo promotivni plakat i ulaznice, koji će činiti prepoznatljivi vizuelni identitet projekta projekta. Sačinit ćemo spisak osnovnih škola sa kojima će se projekat realizirati. Također, radit ćemo na uspostavljanju kontakata sa menadžmentima osnovnih škola za čije učenike prvog razreda će se izvoditi predstava s ciljem dogovaranja termina za posjetu pozorištu u kojem će predstava biti izvedena.

Drugi mjesec realizacije projekta

U ovom periodu rezervisat ćemo dogovorene termine sa osnovnih školama u JU „Međunarodni centar za djecu i omladinu Novo Sarajevo“ te prema planu izvesti pet predstava.

Treći mjesec realizacije projekta

Na početku trećeg mjeseca izvest ćemo preostalih pet predstava.

Nakon završetka projektnih aktivnosti, koordinatorica projekta, kao odgovorna osoba u ovom projektu, će sačiniti završni izvještaj projekta.

11. PRAĆENJE PROVEDBE I MONITORING

Praćenje provedbe, monitoring, marketing i press clipping vršit će koordinatorica projekta.

12. VIDLJIVOST (PROMOCIJA PROJEKTA)

Projekat će biti promoviran na način da će autori predstave gostovati u printanim i elektronskim medijima i promovisati projekat posebnu pažnju dajući značaju projekta te ističući finansijere i sponzore projekta. Logo Grada Sarajeva bit će apliciran na sve promotivne materijale projekta. Projekat će biti promovisan i outdoor kroz postavljanje promotivnih plakata. Za svako izvođenje predstave printat će se besplatne ulaznice.



Udruženje dramskih glumaca

MUNDO MONDO

Derebent 14, Sarajevo

ID broj: 4201991480005

Račun Intesa Sanpaolo Banka: 1541602005233118

FINANSIJSKI PLAN

„Moja prva predstava“



Udruženje dramskih glumaca

MUNDO MONDO

Derebent 14, Sarajevo

ID broj: 4201991480005

Račun Intesa Sanpaolo Banka: 1541602005233118

Sarajevo, august 2021.

1. Prihodi

Broj	Vrsta prihoda	Iznos
1.	Očekivana sredstva Grad Sarajevo	12.000,00
UKUPNO (KM)		12.000,00

2. Rashodi

Broj	Kategorija	Jedinica	Broj jedinica	Jedinična cijena (KM)	Ukupno (KM)
1.	PROJEKTNI TROŠKOVI				10.000,00
1.1.	Honorar koordinatorice projekta	predstava	10	100,00	1.000,00
1.2.	Honorari glumaca	predstava	10	600,00	6.000,00
1.3.	Honorar majstora tona i svjetla	predstava	10	200,00	2.000,00
1.7.	Najam prostora i tehnike	predstava	10	200,00	2.000,00
2.	VIDLJIVOST				2.000,00
2.2.	Printanje besplatnih ulaznica	ukupno	1	1.000,00	1.000,00
UKUPNO (KM)					12.000,00

GRAD SARAJEVO

GRADSKO VIJEĆE GRADA SARAJEVA

n/r Jasmin Ademović, predsjedavajući

PRIMLJENO: 23 SEP 2021			
Org. jed.	Broj	Prilozi	Vrijednost
01	GV-02	1083	21

Sarajevo, 22.09.2021. godine

INICIJATIVA: Odluka o stipendiranju učenika koji postižu izvrsne rezultate iz Budžeta Grada Sarajeva

Na osnovu člana 148. stav 1. i stav 3. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20, 19/20) **podnosim inicijativu da se pristupi izradi nove Odluke o stipendiranju izvrsnosti kod učenika srednjih škola iz Budžeta Grada Sarajeva.**

Stipendiranje izvrsnih učenika definisalo bi se Odlukom kojom bi se stipendirali oni učenici koji su ostvarili značajne rezultate iz predmeta čija su takmičenja zvanično organizovana od strane nadležnih ministarstava i Prosvjetno-pedagoškog zavoda na nivou kantona, Federacije BiH, Bosne i Hercegovine, kao i međunarodno učešće. S obzirom da Grad Sarajevo nema ovakvu Odluku smtram da je izuzetno važno da prepoznamo i nagradimo naše učenike koji svojim vrijednim radom zaslužuju biti prepoznati i stipendirani.

Istovremeno podnosim prijedlog Gradskom vijeću Grada Sarajeva da navedenu inicijativu podrži na način da ista postane inicijativnom Gradskog vijeća Grada Sarajeva.

Gradska vijećnica:

Mirela Džehverović

PRIMLJENO:		23. SEP 2021	
Org. jed.	Broj	Prilozi	Vrijednost
01-GV-02	1089		21

GRAD SARAJEVO

GRADSKO VIJEĆE GRADA SARAJEVA

n/r Jasmin Ademović, predsjedavajući

Sarajevo, 22.09.2021. godine

Predmet: Vijećnička inicijativa sa prijedlogom Gradskom vijeću da postane inicijativom Gradskog vijeća

Na osnovu člana 148. stav 1. i stav 3. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20, 19/20) podnosim inicijativu da se pristupi izradi nove ili izmjenama i dopunama postojeće Odluke o stipendiranju učenika srednjih škola iz Budžeta Grada Sarajeva („Službene novine KS“, broj: 54/18) na način da se izvrši revidiranje postojećih kriterija za stipendiranje učenika i shodno tome da se revidira i bodovni sistem.

Revidiranje je potrebno vršiti u pravcu da prepoznavanja stanja socijalne potrebe (bodovni sisteme koji prepoznaje i jasno definiše takvu osjetljivu kategoriju), postignutih rezultata/prosječne ocjene i da se stimuliraju učenici strukovnih/zanatskih škola kroz povećanje broja bodova.

Nedostatnosti postojeće Odluke sam uočila kroz rad u Komisiji za razmatranje, obradu i analizu pristiglih prijava na Konkurs za stipendiranje iz Budžeta Grada Sarajeva, te stoga smatram da bi se donošenjem nove Odluke ili izmjenama i dopunama postojeće Odluke na opisani način unaprijedio sistem stipendiranja, te spriječila potencijalna diskriminacija i sukob interesa.

Istovremeno podnosim prijedlog Gradskom vijeću Grada Sarajeva da navedenu inicijativu podrži na način da ista postane inicijativnom Gradskog vijeća Grada Sarajeva.

Gradska vijećnica:

Mirela Džehverović